

百  
名  
家  
詩  
選

小引

魏子曰余性不佞佛曾喜讀佛書知其孜孜所  
求者福慧而已然福可兼慧而慧必不能兼福  
何也有福之人自能讀書書乃慧之根也早慧  
之人聰明可恃勢必蕩然自恣恣則慢慢則傲  
心生傲心生則福薄矣帝王之學不過主敬以  
祈天永命况吾儒乎吾儒之所爲慧業者詩也  
文也求爲詩文必先讀書非致其攻苦深之歲  
月者不能固必期獲福焉今世之兼此者惟敬

哉王先生先生身居宗伯恬澹寡慾嫻然一如  
素士經史之暇四方名士執贄問道者無間晨  
夕所著青箱堂詩皆澤于古而出以娟秀之容  
和平之氣不斤斤摹擬三唐而三唐不能外焉  
世之談慧業者必推爲祭酒且年近耄耄逍遙  
杖屨司空胥處先生依依膝下南山橋而北山  
梓爲盛朝樑棟之資其爲福豈僅僅歷三餘  
破萬卷了文人之業已哉故余過魏博與孔心  
先生贊歎愛慕之如此

百名家詩選

福清魏憲惟度輯選

曲阜孔胤樾心一在平王曰高北山

叅

圩貽魏象樞環溪新昌毛達錦來

王崇簡號敬哉宛平人

新歲閒居

良辰淑景日悠悠簾幙風微半上鉤羣鳥依林  
爭語襍疎梅當牖送香幽身閒尚負奇書約心  
壯猶思五嶽遊且向兒童問市肆華燈何處滿

高樓

元宵

元夕風光好開樽翫歲華檐楹懸璧月几席落  
銀花鼓打喧童稚燈來出內家宵深難得寐梅  
影半窗斜

贈劉魯一少司馬

帝里論交盡宦途如君自與世情殊籌時獨檢  
天人策娛客常披海嶽圖半榻踈陰依亂竹一  
簾清影蔭高梧素懷邾遠風塵外閒釀松花滿

玉壺

爲韋念義書扇

崖僻溪幽茅屋低  
四山飛雪徑踪迷  
高人臥處  
何由識却在孤松小阜西

秋夕

滅燭憐虛白  
開簾待月明  
踈籬三徑晚  
幽砌一蛩鳴  
往事隨年積  
秋懷憑夜生  
最宜岑寂裏  
枯坐學忘情

隆教寺新軒

高軒依古剎閒徑入雲寒丹碧開窗入蒼苔俯檻看泉幽石骨冷秋老葉聲乾不必尋僧問心從何處安

月宿來青軒

來青軒上宿此夕獨淒清落葉分泉響空山媚月明深林踈磬歇平楚遠烟橫倚檻不成寐荒寒入四更

來青曉雲

開戶山皆失方知身在雲林巒互隱現雨雪復

氤氲策杖尋樵徑登崖辨石紋溪橋人跡絕  
瑟瑟細泉聲

早春閒齋

亂木參差覆短牆春風習習繞迴廊簾垂白日  
圖書靜坐近梅花衣袂香老去情懷嫌落寞興  
來歌笑任踈狂忽聞宛轉銀箏調雲影希微淡  
夕陽

七月十二日憇興勝寺

偶息勞生足來凭樹杪樓晴嵐恣遠眺風葉報



新秋林果無人落  
花開斜日幽空庭  
隨坐嘯俛仰憶前遊

秋夜

秋淨星河冷  
素閨梧桐露滴夜  
淒淒無端懷抱縱橫甚  
蟋蟀聲中月又西

香山深秋

青碧蒼茫裏  
高巖落磬音  
門開黃葉亂  
逕轉白雲深  
古殿畱殘照  
幽花媚僻岑  
泠泠泉咽石  
秋色滿疎林

來青軒夜坐

夕靄低山勢斯遊不厭頻  
烟溪飄敗籜夜塚走青燐  
風定聞天籟心清夢故人  
寒巖千丈石恍惚是前身

歲暮雜興

歲序忽驚晚開樽豈厭頻  
漫思身外事且對眼前人  
錦瑟宜銀甲梅花倩繡茵  
歲華莫浪擲欲睡復逡巡

幽廊通曲室積雪映疎籬  
逕僻恬鶴夢窗虛靜

鳥思書訛抽亂帙病減補殘詩自恨偏多事  
來睡每遲

空階宜晚步新月挂簷楹可怪閒居日猶多應  
世情常歡談素履乘燭看青萍倚徙年光暮春  
風昨夜生

玉泉山亭遇劉杜三孝廉

偶坐泉亭上何來瀟灑人問名相識舊藉草定  
交新高論驚山鬼幽懷適暮春泠泠巖下水相  
與滌風塵

題畫應李坦園相公教

奇懷欲何向  
淡岩寄幽情  
風定青波湛  
烟低白鳥明  
空亭留夕照  
老樹送秋聲  
寂寂高天裏  
悠然影亦清

茅閣橫塘上  
烟波渺一方  
霜林高視聽  
秋水澹行藏  
深徑寒蛩細  
疎欄野菊香  
石邊喚童子  
睡莫損詩囊

但不甘同濁  
何勞快獨醒  
波寒石下冷  
烟裊竹邊青  
僻徑堪乘興  
風林最可聽  
閒觀雲出沒  
萬

事一虛亭

秋容澹寂照素瀨影瀟疎兀坐從吾懶高懷似  
太虛偶來羣木石何必事琴書雅尚當前趣臨  
流不羨魚

偶題小畫

家舫窗開深柳間晝長人靜鳥間關愁看青史  
興亡事閒傲雲林一片山

季夏

默念懺前非一蟬鳴亭午蝴蝶大如掌簾外復

栩栩物化無停機推遷嘆今古流雲戀深林開  
卷坐前牕暑雨忽澄霽涼颼滿庭戶

明霞耀空碧纖雲依老木朱炎化微涼笋席秋  
先肅事往愧多悔感物悲易逐浮生已殘夢無  
求卽還福池邊藕葉香亭亭媚幽獨

秋來

颯颯金風動園林一倍清虛檐桐葉墜幽砌草  
蟲鳴捲幔延秋影移牀就月明翩翩庭下鶴老  
更羨身輕

宿巖下

寂寞深山秋更佳  
况兼僧舍淡無華  
寒烟夕染千峯翠  
霜葉晴連萬樹霞  
佛閣燈懸妨夢怯  
石巖水細逐風斜  
瀟瀟靜對宵鐘歇  
檻外飛來隔岫楊

九日過玉皇廟聽道士彈琴

徜徉隨意作幽尋  
豈必攜尊上碧岑  
下馬空階黃葉亂  
登樓遠岫白雲深  
閒將流水高山意  
來聽琳宮羽客音  
寂寂移情無可說  
滿庭斜日照

秋陰

夜坐聞箏

靜夜傳幽響，纖微去住音。  
因風來曲牖，隨月越疎林。  
塞北淒涼調，閨中宛轉心。  
平生無限意，愁絕不堪論。

劉元功王灌亭米吉士張頤侯兒熙宴飲  
嘉賓宴樂夜吹笙剪韭蒸蒸媿大烹  
野老怡怡田舍酒官音試鼓教坊箏  
樽移火樹交加合簾捲星毬錯落明  
朋舊幸存吾輩在何妨痛飲話



卷之三  
縱橫

玉泉山憶往

玉泉山下莽蕭條，餘柳依依破寂寥。  
訪舊竟無依壁寺，尋幽尚有駕溪橋。  
風輕日永流雲淡，太靜山空啼鳥驕。  
欲問當年歌舞地，頽垣久已屬漁樵。

偕五弟登香山圮殿憶四弟昔遊

古剎層崖路幾重，杏花深處最高峯。  
蒼烟欲墮嵐光合，返照斜穿林影濃。  
攜手看雲因憶弟，循

巖趺坐且聽松可憐殿廡摧頽甚尚有殘僧打  
父鐘

退谷坐杏花岡上兒照燕默孫克善克勤  
往尋水源

深谷惟聞亂鳥鳴年光昨日過清明杏花已減  
三分色泉水依然百折聲幽徑遲回聊寄興空  
亭坐臥欲移情閒看稚子尋源去盡在蒼巖絕  
頂行

來青軒夜坐

高巖二月尚淒清逸興嘗懷獨往情靜夜禮星  
瞻北極空堂說鬼坐三更穿林村火升沉影到  
枕風泉斷續聲多少京華酣醉客輸他歌吹到  
天明

李望石李書雲秋夕招飲林亭放舟

蒹葭白露晚蒼蒼舟轉林亭互易方花徑迷離  
藏竹石柳塘深淺睡鴛鴦華燈照水層層影黑  
夜移橈面面光投轄無煩君過計酒闌猶欲賦  
滄浪

出金山口望大覺寺

霜華雲影盡秋痕  
麓突巒迴勢若吞  
遶水疎籬別有逕  
殘岡古廟半無門  
幾行青翠峯邊雁  
一帶斜陽烟外村  
策馬未須愁日暮  
鐘聲隱隱出高原

重遊大覺寺

金之清水院

門逕依稀記未真  
深林古殿倚嶙峋  
一泓清水猶相識  
五十年前曾到人

東園丁香

徘徊不獨惜春陰  
花滿閒園白日深  
鄰寺頻聞人  
道問妙香何處落高林

豐臺花園

莫厭春歸倍可憐  
風臯雨陌倍悠然  
閒庭易語人  
道少灌木雲來地  
自偏曲折引泉穿  
草屋慙慙插園護  
花田子年萬柳園何處  
日落平蕪盡暮烟

小引

魏子曰廬江宗伯龔先生交盡天下士天下士  
無貴賤親疎遠邇皆願交于先生故先生之詩  
傳誦遍寓內心悅而好者至購梨棗以壽之板  
經數易誠盛事也余丁未刻先生詩于白門金  
閨間陳綠崖大叅載入滇黔欲與碧雞銅鼓均  
奏殊方壬子臘深訪孔心一觀察于魏博坐暖  
室圍爐中風雪欺窓寒威刺骨觀察復出先生  
詩四十卷曰此三十二芙蓉也隨處陽春能回

黍谷乎余因得鍵戶澄觀探其淺深之候悟其  
正變之旨舉天地間世運之升降人事之變遷  
物態之涼燠無不隱躍于筆端其調高而逸其  
詞婉而麗其托旨也遙深取材也精確浸淫于  
六朝而不沾六朝之氣沉醉于三唐而不貌三  
唐之容卽起應劉稽阮韋孟杜李諸君子相與  
角技一堂吾恐集大成者亦未能遽舍此而他  
也彼小言詹詹曰吾登作者之壇不幾冒夜郎  
王之誚哉近吳門諸子有江左三大家之刻以

先生全集與虞山婁東並轡而馳余友顧茂倫  
趙山子稱詞壇董狐固有確見然梅村之言曰  
牧齋深心學杜晚更放而之香山則後之論正  
統者未必無司馬君實其人也先生知余其莞  
然一笑乎



百名家詩選

福清魏憲惟度輯選

曲阜孔胤樾心一黃圖程啟朱念伊

叅

廣寧丁思孔景予南城吳學炯星若

龔鼎孳

字孝升號芝麓合肥人

送雪堂夫子南歸用古詩十九首韻

良會成契濶執手當乖離出門卽河梁徘徊失  
津涯恩情中道捐會合已可知涼風有時令敢  
不辭華枝相送何用遠馬行何用緩倉卒共干

秋崎嶇獨身返生平管葛心盛年猶未晚努力  
作征夫迢迢夜中飯

歡至松與栢歡盡水與石廉頗免長平坐中無  
故客貴賤異哀樂人情以厚薄不見風塵下策  
足來京洛一言取卿相貧交已離索蛾眉獨妍  
好春風羅華宅媒妁將安施萬里生咫尺恩怨  
亦繇人區區坐相迫

秋蘭與薜蘿芳菲繚堂壁美人忽目成明眸殊  
的歷何期恩愛歇悲樂頓相易乘風駕雲旗縹

綽將安適人生有別離所貴慎羽翮窈窕新相  
知睇笑紛接跡願隨鴻鵠逝肯受轅駒輓寸心  
本自知向人亦何益

浮雲起北陸天地爲慄慄陰風何飄搖日月不  
成列龜山劇崢嶸惜我斧柯缺聊城一矢後千  
載無穿札雲漢鬱相望三歎謝離別寥廓亦何  
嘗延首浮雲滅回飈見太清畱心待君察

送遂初朱子南歸和蘇李錄別韻

出門萬里路歡愛爭須臾游子欣故鄉將乖復

躊躇山川鬱嵒堯中懷不可踰去者浮雲翔  
者還向隅相視一太息顏鬢摧斯須當風告前  
綏慎子千秋軀

簪鮑今不作人面如九疑僑札申久要乃在縞  
帶時明月照中庭酣樂知何其風雨一息來歡  
晏從此辭故人飽喪亂心迹同所期一日三見  
面枯槁爲菲滋小別數作惡况當乖隔時風波  
各努力行矣寬憂思

雨中同內人汎舟雷峯諸勝

輕渚揚素颺桂柵沿悠緬羣峭秀可掇苔徑仄  
難踐雷怒潭虬立林暝沙鴻眩曲嶼散餘柳奇  
雲沒眉蠟觸石碧乳開動瀾蒼霧卷雅尚忻偕  
集塵累企初造叢祠荒鵠叫零蔓紛披眼佇視  
延悵愾忽悟人代晚巾香裊春木閣火起廻坂  
清暇庶有託遊履自茲衍

道衰功業薄淪跡寄漁釣塗引步兵慟景放孫  
公嘯丹壑媚遐采晶日扇繁耀言豁區中鴈流  
覽烟際嶠縹縹春湍激翳蘿蒼嶠峭糾碧森孤

塔竒冥極橫眺殿清盪遠樹霸氣歛殘曜壤在  
觀川逝乘時訖電躍庶保伯鸞逸母召鴟葵謂  
刷藥愜行歌傾樽耽埋照貧賤理足悅幽討歷  
衆妙繁陰豈滯阻霞客此同調

登寶石山

捫蘿叩蒼扃雨磴積苔繡門射江湖濶湖帶錦  
石吳峯盡入抱越嶠遠來就雉堞炫表裏鱗  
甍吐層構杉栝俯若薺蒙翳矢橫岫鈴鐸旣風  
展金碧亦綠罔星崖延夕暉乳泉決春溜翠隄

此浮屠拔起六橋秀往者頗相忽凭檻若襟袖  
及茲足目到高深乃奇姿拭壁讀殘碑陵谷幾  
興仆滄海豈不廣詎信桑疇茂

詠懷詩

閒居無事託詠寫懷用阮公原韻

登高一太息零淚沾裳衣流離逢世難遠道將  
焉依豈無脫粟飯中抱長苦饑孤蓬隨驚颺故  
林不可歸宛轉就娛樂安知心所悲迢迢天漢  
長噉噉鳴鴈飛禍亂幸衰息安枕以當歸

擊筑動燕市鼓缶操秦音平生輕俠意與世同  
消沉立志苦不早焉辨貞與潘起視武安第車  
騎紛如林彼姝雖憔悴誰當存其心

夙昔入宮時蛾眉傾昭陽承恩一顧盼行步搖  
華光何期中道捐華髮飄素霜殊麗旣難明含  
貞亦不芳玉鏡疑我姿秋風穿我裳時去顏色  
賤團扇徒廻翔平生一悅已灰沒何能忘

瑤草植孤秀薦蘿被嚴阿芳雜理自喻不怨無  
人過庭戶一移置剪伐何其多波瀾生倉卒信



誓空山河矢志爲人役枯苑同傷嗟

昔與故人別揮涕臨河梁仰視白日馳四顧心

茫茫千載一相失黃鵠中天翔經歲無素書星

漢遙相望空庭旅鴈鳴我懷如雨霜微陰盛殺

氣君子多憂傷展轉逢喪亂室家不可常飄搖

萬里心載咏裴葭章

時聞上游之警因懷雪堂先生遂初朱子

我有一樽酒歎息爲誰傾故人紛死雜所厚非

沉寔失意不在衆睇睠爭枯榮慶卿與田光一

諾輕其生靈耀炯千載方寸同熒熒管鮑起貧

卷之九  
交至死心長并黃金何時多含笑覩人情

荆山有奇璞秀孕天廟光剖之得國寶燦爛陳  
琬璜下氏昔未遇掩瑕愁孤芳別足豈云辱慟  
哭空山陽悼此連城姿蹉跎譽不翔物奇無知  
已不若棄道傍寄謝悠悠人失時誠足傷

元精相代禪嘉候當青陽天地氣以盛蔚爲四  
序綱珍卉廣被野輕雲秀葍房草木各自壽百  
歲無繁霜焉知羲馭迫無藥停景光迢迢園中  
絮隨風已飛翔

中林堂夜集依曹秋岳明月之夜爲韻

時序驚代謝蜻蛚淒繁聲皚皚前林霜續我蘭  
膏明好友送中夕相叙平生情巖壑理旣乖竹  
帛終何成時危寡安居山嶽當戶庭攜手悲故  
丘汎汎池中萍人生有美酒何若身後名不見  
朝曦暉向夕亦以傾

歲事日衰徂萬感積華髮蒼蒼禾黍間皎皎上  
明月浮雲空掩靄美人敞瑤闕瓊卮寒共御漏  
盡歡不歇世亂貧賤安固窮謝請謁碧沼流清

漪荒山長秋蕨潤俗懼乖素降辱轉多賦君子  
相閔傷蓬蒿令身沒

游子悽歲晏戚戚心難知悲風起廣術羽翼乖  
有時牽衣戀綳帶綳繆盡中私嘯歌日以遼雨  
雪將告誰時去文彩賤阿閣巢荒鷗揮涕勿復  
道有酒斟酌之耦耕諧鄙尚埋照息衆嗤盈盈  
庭中月幽琴爲君施

富春渚

沙嶼揚烟艫晨霞媚修遠鳬輕逝枉渚雁悽警

層巒霜樹鬱若薺丹翠被長坂曠矚區中豁素  
賞雲外絕谷紆猿狖間練淨魚龍偃碧石漾寒  
藻孤峰側蒼菌中林天籟鳴窈窕協笙阮吾衰  
接興夙志飽飲河懸百憂改登臨一往懷屯蹇  
息駕忻耦耕長歌延肥遯

又 川康樂韻

檣鳥正輕颺漸指桐君郭夕暉澹杉崖歸烟散  
蘭薄觸石鮮幽阻挂席快交錯豈期途百折坦  
然雲一壑當時棲隱人采山諧雅託緬邈景喬

柯中奮蕙蘿弱理釣慚遲暮脫屣踐夙諾風塵  
有磷緇寸心詎搖落將偕海上鷗永固泥中螻

七里瀨

和康樂韻

崇臺雖謝登紆嶺正延眺攬裳恣緣沿參複改  
岑峭岸曲失前渚陰多翳晨曜巨石峙迴雪鏗  
鞞互吞嘯層房或山椒欹側吐清妙運開蟠穉  
先智寓要領誚加腹酬英游炎鼎繫綸釣逝矣  
璜溪載詎諧客星調

舟發建德作

用康樂韻

素瀨裊迴漪風急飄更緩節險岵嶸怒嶂阻淪  
漣斷壘壑淨可拭倒景翠交款恐泥兆夕佳歎  
逝滌中漣濯纓旣懷新弛帶旣任誕詎信魚鳥  
心高沈勝偏纂勢詭理亦齊目炫賞翻短言采  
睍睍芝式叶簃簃竿寒巖秀層蘿主步幻悽煖  
皓髮悔宛轡丹龜企行散林澗紛娛悅忘憂豈  
絃管

蘭溪舟中作

叢峭翕烟牒榜語破樵響整楫訛曦昧絕流輕

下上力盡天一回雲馬騁飛漿皓魄眷芳洲征  
夫晒遐徃蘭臯始擊汰川陸頓平廣元化卑雷  
同百里殊風壤襟目互沓惑陵谷證今曩醖陰  
冒故轡牽衣何悒怏林空出寒翠稀疏送餘賞  
篙師急鳴灘還如爭湓潏

自龍游趨衢州作

吾家石芙蓉几案秀森觸其峰三十二洞壑肖  
頗酷摩挲浴空翠烟霧時斷續辭汝遠行遊宵  
征指炎毒陰雷中夜剛凌曉見晴旭遙巒插青



蒼到眼一驚告聯娟媚羅娛對境看已足歸樵  
急踰嶺雪水早消蜀綢繆復懷袖如理登臨榻  
篙子疲險陷吾徒忍欣矚越人長水濱弄舟幸  
成俗灘聲激長嘯羨彼雲中鵠

十八灘雜咏

用少陵諸韻

挂席踰迴瀨觀面勢斷絕積石鋪中渚高下出  
層鐵蒼茫太古前坤軸何自裂巨斧斫崩雲飄  
動萬川雪陰濤如怒駟歷險轉奔悅開闔細鉞  
髮操縱在一折回身泝瀆間後徑歛已滅眴目

謝伯昏對此翻內熱

萬境尚恬曠探奇趣貴惡一往森幽昧群態赴  
盤錯大塊厭渾淪元氣此剗削何來蛟鼉室倒  
向帆影落急雷地中起石柱支已弱曲折鎖東  
注斯理惑高漠不知天地贖大觀殫海嶽險澀  
到波瀾豈虞舟航薄蕭蕭寒箨響山鬼嘯虛廓  
川巖浩多端我何悲荒寞

危纜穿斜罅寒日濺江濕沿洞岫間叫呼亦  
已急萬石銜孤舟森然齒牙集其狀各槎枒力

短斧柯澀所幸非重淵  
篙師智能及婁婁負舟  
子露脰波上泣

布帆惜斜景矢箠解沙岸  
參差前渚石咫尺隔  
晨漢孤月湧中川  
梅蘂落已半當時種花人  
魂  
魄復誰喚村墟雞犬失  
柝靜林烟漫賈舶猶輶  
騶  
遠瀝火散因知瘠土民心已寒  
離亂江風  
吼虛巖撫枕一長歎

彌望堵墻列兵後  
羨懷土近前唯長蒿蒼蒼  
廳  
狄古驛卒旣鳥散  
荒程梗如縷三五行戍人懸

鶉苦枝柱曲徑山樓斜叢箐綠寒雨戰艦方絡  
繹賦歛紛徵取生理尚蕭瑟遑暇計廩庾炯炯  
聞闔高流離仰天數

心忤天柱陰到目炫蒼赤高沙界中流萬象歸  
一石遠若浮菱茨近或欹屋壁錯落臥羊馬拱  
揖昧主客骨立艸樹青忽綴幽怪跡併力爭一  
縫淪漣遽崩迫諸舟各覓徑宛轉滙中澤境過  
轉淒愴艱難此何適

彈子磯

用少陵韻

蒲帆挂蒼雲一折出險壯遂劃白日開欹側炫  
背向萬仞裂冰雪鬼斧愕難狀丹翠懸石根陡  
絕失倚傍伏虎應辟易飛鳥亦慘愴陰洞豁層  
巔彈丸誰所放猛氣壓孤舟奔馬銜欲喪飄飄  
御風人振衣或神王巉巖激江花烟水互爭讓  
何年鑿混沌殊詭產列嶂茫茫嶺海心快意洗  
愁悵

催妝曲

瓊綃四角檀絲遶晴雲犀押烘朱鳥茱萸扇帶

卷之四  
搖春風鳳蠟散花銀箭曉梨渦小纈勾紅烟金  
蟲斜堆睡未開青菱呵活紫綿軟迴身却抱鴛  
鴦絃畫中蛺蝶愁黃昏今日親承一笑恩江南  
有情無盡處密蜂飛上蓮鬚語

柳絮歌和何大復原韻

湖上朱樓春色殘樓邊湖水碧漫漫東風慢捲  
楊花入花底春愁日未闌低飛緩舞漸韞院點  
點着衣輕似霰玉臺妝倦過啼鶯畫棟泥香栖  
海燕紫陌蘭窓紛裊裊金鞭團扇無人掃君不

見西陵橋畔萬長條春歸今有薜蘿草

樟樹行

用少陵古柏行韻

古樟輪囷異枯柏植根江岸兼水石風霜盤互  
不計年枝幹扶疎詎論尺望中轉柁愁易過道  
旁掉臂真可惜其下蕭瑟楓林青其側參差茅  
宇白十年躍馬桑乾東雙松詰曲慈仁宮紫鴿  
翔舞避偃蹇蒼龍蜿蜒迴虛空今來荒野忽有  
此數畝陰雪爭天風當時萬幕駐金甲大樹颯  
沓開神功勿言將壓煩榱棟傲睨高原川谷重

寒翠寧因晚歲凋孤撐不畏狂瀾送地近軍城  
耀水犀天開阿閣巢雲鳳自古全生貴不材樟  
乎匠石憂終用

許菊谿紫苔山房醉歌行同于皇澹心于  
一子翥其年諸子作

昨日城北秋陰多杜二招我游巖阿酒酣落木  
萬山下高臺蕭瑟兼嵯峨紫苔山房一丈菊秋  
星乍寒家釀熟玉盤味美不記名但道人生無  
此福十年閒却持螯手故鄉那得頻重九銅盤



燭爛江雲開半夜烏啼白門柳橙橘香邊孤月  
晴霜風吹鴈來高城空庭人影碧露下一宵鼓  
角秋無聲汝南先生天下豪平生花月沾吾曹  
寧觸輦上金張怒却令韻事增蓬蒿九衢車馬  
多如雨流螢飛過昭陽樹安能玉斧砍桂枝一  
夕空入散烟霧月旣明酒復清江干昨夜無甲  
兵人生花下少游屐鬢毛空對秋霜白迴看臺  
上月黑時有酒不醉真可惜

爲友沂題所藏楊龍友畫冊

和錢牧齋先生韻

南渡誰乘國釣者當時爭指貴陽馬皖江老狐  
據當道清流喋血盈朝野金盤火齊高如山斜  
封墨勅疇封還葛嶺間堂格天閣錦裘大軸連  
雲間一夕延秋六軍散白衣紅袖徒悲歎相府  
圖書等告身溝渠紙墨殘花亂龍友筆墨殊蕭  
然鯖盤游戲還仙仙解衣興至一揮灑千巖萬  
壑生秋烟黃驄袴褶馳南陸憤作虎頭飛食肉  
鐵戟沙迷戰鼓沈櫪馬驚星地翻軸丹青縱橫  
久更新荆關董巨流傳真蒼茫古色照金石貴

陽亦有風流人趙生意氣深相取晴窓還竝孤  
松撫此物攜持應有神九疑落月三湘雨

中秋苦雨至十八夜始見月

冰蟾光似昔辛苦破層陰難補高秋恨猶憐碧  
海心吹燈殘葉下過鴈一江深今夕看虛幌何  
辭徹曙砧

桂闕迴生愁寒星下石頭月還同萬里天不嘆  
中秋香霧晴仍濕潮痕老漸收蒼蒼宮樹影莫  
任野雲浮

寄懷孔心一觀察

五鹿風煙外春雲縈戟開金隄原壯國鈴閣妙  
延才減米交情古爲霖旱魃迴故人懷刺減  
諸達一啣杯

又

客愛瑕丘去人懷濮水清烽煙銷赤羽耕鑿遂  
蒼生臺栢秋千尺壺冰月一泓門前玉簡信應  
反度遼驚

夜發抵富陽

生事安行役蒼茫獨夜舟枕高孤角送峰轉萬  
星流遠火明山市江聲入棹謳折腰驚候吏等  
夢正滄洲

長千秋興

百戰樓船地三秋橘柚天高雲孤鳥沒古道夕  
陽懸虎踞遺雄迹鷗行媚遠川關河王氣外落  
木浩無邊

送秋兼送客爲洞門及友沂返廣陵也是  
日秋盡伯紫孝威同賦

對客憐秋去潮荒建業城難堪江上櫓又送鴈  
邊聲砧急霜催暮山寒月放晴離亭盃酒外萬  
馬一時行

時征兩粵兵  
泊石城下

楚客行吟久江山未卜居得歸仍繞樹望遠一  
迴車落日橫清笛行雲託素書琴心秋後寂易  
渴馬相如

邗江春暮于皇孝威園次辟疆過集用少  
陵陪鄭廣文遊何將軍山林韻

花邊偕坦步泉石一時清林霽從過蜨庭空已

到鶯茶香吳寺雨尊滑越溪羹幽事宜晨夕浮  
雲訝此行

寄題竹溪草堂

李子黼臣築室射陽湖上顏曰竹溪草  
堂諸同人咸爲詩歌紀其勝余過八寶  
匆匆行路不及一登斯堂黼臣命扁舟  
送之韓侯釣臺適梅公司馬來自京師  
盤桓十餘日始別臨岐戀戀請爲賦詩  
文通黯然不覺才盡別後自河入濟水

涸舟膠日行不二三十里永晝無事言  
念故人因用少陵重過何氏五首韻成  
詩如數夫浣花老翁于將軍山林來往  
無期而余尚靳草堂覲面之緣可謂古  
今人不相及然吾觀李子英逸卓犖非  
久巖穴者鳬鷖之盟終當讓余代主他  
日竹溪移文吾與梅翁恐不免波及耳  
逸勝愚公谷耽幽種樹書乾坤曾轉戰水石已  
成廬地迥惟棲鳳泉香不羨魚籜龍春雨長日



護草玄居

和孝威秋懷

柳色長橋暗徘徊  
溝水西酒醒千里別天濶一  
帆低旅迹分棲燕鄉心蹴舞雞旗亭人散後不  
復唱銅鞮

寒葉中林夜高歌興不違登臨寬白眼感慨到  
烏衣欲別愁明月沿流戀落暉盍簪如可老吾  
病爲君稀

送陳行五之登萊和伯紫彥遠韻

何意都亭路花天縱客還眠多妨載酒裝薄似  
看山孤寺春鐘寂雙杵屐齒閒飛鴻太寥廓相  
望海雲間

月夜虎林與內人言別

風雪寒江路輕帆信轉蓬月晴燈火外人老別  
離中啼笑憐嬌女艱難倚角弓玉臺梅事早春  
報綠樽同

內人移舟相送

九載西陵約游蹤誤去船淚痕芳草見歸夢遠

峰懸目斷迴孤棹湖長縮別筵河橋今夜月故  
向碧波圓

錢塘江行雜詩

塵凌空江淨天風不厭喧櫓柔輕白浪山妙領  
黃昏多難扁舟得常年畫角屯倦飛真一笑歸  
鳥邐邐邐

朔業消煙水潮荒萬弩風片颿殘照下孤月亂  
流中歸馬方嘶北征鴻日向東喜聞金革定丹  
壑縱殺翁

客路遙初降離愁入夜紛人還吳苑雪夢駐越  
溪雲燈火衣香見江山戍柝聞何時操作罷同  
釣五湖濱

常山道上

石路清沼亭臯帶遠林柳黃何夜雪樟老一  
山陰戰伐遺今日蕭疎稱此心探奇堪卒歲愁  
豈鬢毛侵

險隘江閩接巔峴岫嶺長弓鳴猿易駭林密虎  
真藏炊飯邨烟白支扉木葉香幾時羣盜息并

日理游裝

隔水喧漁艇巾車落日催沙平寒燒出峰壓縣  
樓開塔暝樓鴉過城孤野獸迴故人青眼在驚  
喜看山來

孫孝若司李  
晤語甚歡

雨中抵玉山

細石沾泥滑危峰入霧沈孤青時隱見羣木倍  
陰森霜果紅驚眼風蘿裊出林長橋傾圯後側  
想戒臨深

曲江道中看山

羣峭橫斜徧乘波枕上看隄驚天柱拔森逼瘴  
烟寒鐘釜縣苔古鋒稜劈泮寬蒼蒼海日近應  
有毒龍盤

兩岸銜青嶠中流吐一舟雲濤翻翠壁砂氣繡  
丹樓鵬鵠全低翼豺狼敢犯幽殘生鷗夢裏頭  
白漸知休

飛來峽

浪水攢江曲雙巖壓浪昏樹痕崩峽口石氣盪  
天門地截蛟龍斷山埋日月尊樓船飛渡後惘

惘失空村

泊清遠

老樹浮殘堞人家帶戍樓峽平山漸盡江濶月  
長流虎氣凌孤析蛩聲駐早秋嶺程強半過無  
鴈識鄉愁

晚抵三水

港密殘陽歛兵聲起次寥大星斜帶岸懸水逆  
吞潮望縣稀燈出驚心覺路饒滔滔腥浪接海  
氣暖魚苗

春日袁亦文招同秋岳飲五羊觀

勝日淹雙屐高城峙此亭花凌晴壑秀鳥逼暮  
天青石閣盤雲出風泉倚簾聽芳春朋好在蘭  
蕙肯凋零

初夏吳江公齋中藤花大開招同諸子讌  
集

爛熳霞天合繁香拂酒深賓朋文舉坐丘壑謝  
公心萬事花經眼餘生醉入林紫絲圍錦燭遮  
莫晚風侵



題內人畫蘭

簾開遠岫碧烟平  
傾國香中擁百城  
密葉疎花紛白出  
畫簾幾几故多情  
九秋空谷同餐露  
百折當門竟寫生  
沅澧招魂風日在  
年年春色報柴荆

送金長源還松陵同秋岳卽席賦

顛倒春愁錦瑟絃  
帝城風物故依然  
伊涼北地聲原古  
花月江南夢可憐  
楊柳曲深催畫角  
鄉關人聚緩離筵  
驪駒最有銷魂意  
况是銅溝碧

草天

沂湖晚泛同內人限韻時值小雨初霽

殘霞如綺壓孤艘  
夜色微茫客倚窓  
北望風烟迷短岫  
南來鷗鷺習寒江  
驚秋殘荻聲長濕  
近水征鴻影自雙  
賴有謝家晴練句  
爲寬愁鬢向銀缸

畱別燕友

門外驅駒卽各天  
春波吹度木蘭船  
病逢遠別難辭酒  
衣戀重陰未改綿  
蝶夢易迷三月草  
烏

啼可記五侯煙暮雲橫笛愁如許莫道龍標不  
似前

寄題春雨草堂

空林煙景日蕭蕭丘壑于今道未消城外畫圖  
城裏屋柳邊溪水竹邊橋風清北牖橫藜榻月  
出南山理豆苗漁父似忘興廢事垂綸閒送隔  
江湖

橘巷隈韻爲張詞臣賦

棲烟濯露白成園秋到柴門絡緯喧抱膝此間

客嘯傲去人已遠足丘樊深花爲客開空谷濁  
酒呼鄰過短垣戶外江天橫萬里好因風雨護  
龍根

送荒隱主人歸蓬蒿同見末聖秋賦

隔歲蓬蒿月乍晴朱絃醉傍玉壺鳴重來仙棹  
移江柳幾日秋風憶楚蘅虎觀經方橫石鼓鴻  
飛心已度蕪城還期歸轍停叢菊小圃年年看  
落英

玉山舟行趨饒江

徑轉峰迴失遠洲。扁舟欹側坐牽愁。雲移石壁  
寒籠日。夢穩漁磯曲枕流。山縣市荒稀。泛蟻空  
江笛。細不驚鷗。遙憐吳苑風花早。海國春歸萬  
里樓。

春日遊粵秀山

木棉花爛四山紅。春晝攀蘿到梵宮。樹色迴浮  
樓觀日。經聲晴捲海潮風。香銷歌麝珠簾外。頭  
白登臨戰馬中。臺上鷓鴣啼碧草。霸圖猶憶昔  
人雄。

和秋岳遊五羊觀同程周量作

洞門雲細拂砂牀幽沼涵風薜荔傍誰向龍宮  
穿玉乳真看石掌汎瓊霜禹糧堯韭晴長潤蒲  
澗蘭湖近不荒更擬流杯呼皎月青天鰲影落  
蒼茫

送孔心一督學中州

當時張膽延英閣執戟人能叩榻呼竟轉龍鱗  
天北極旋行驄馬地東吳山中藥物淹高枕洛  
下生徒拜大儒上殿佇看稽古席六經魯壁盛

笙竿

伯紫招集孝侯臺秋眺

月明翻厭燭花紅  
夜色微茫塔影東  
百戰樓臺金井露  
空山草木玉衣風  
煙深環堵琴樽外  
人立秋星戍鼓中  
醉後不知林葉亂  
新霜催墮景陽宮

干一伯磯蒼略子翥秋我杓司伯紫澹心  
綺季諸子

空山急雨亂清歌  
愁聽江聲捲白波  
今夜月明

南北望始憐客散道途多霜青曉壁沾離袂頭  
白疎星憶女蘿此去長安無落葉灞陵殘柳意  
如何

分攜重爲話前期人立江船被酒時簫鼓六朝  
秋並歇關河雙涕老交垂愁中月墜如憐客別  
後詩成各向誰終古名山多氣象好歌招隱代  
將離

送吳見求守潮州和燕友韻

隔歲風煙萬里游錢塘簫鼓問迴舟却憐花發



羅浮路又值人分宛  
雒秋雲細鷓鴣啼急峽雪  
晴蛟蜃蹴中流縣知嚴  
助承明出彩筆方春一  
倚樓

西山寒日映朱絲尚憶羣賢在笏時  
驄馬幾看

同雨霰鱸魚今又避旌麾  
汝南風俗清流傳

以君

名高數白下賓朋別墅暮到日  
石湖春漲綠爲

言吾夢繞江離

托懷江上并  
石城諸子

玉帛南天自一家  
條風燕雀靜鳴笳  
張燈客醉

春星落迴騎書成嶺  
雁斜地遠轉蓬增  
白髮裝

輕攜研抵丹砂枕  
榔樹下留歌嘯  
莫訝炎荒瘴癘餘

經行處默投香渚  
信汝家風萬壑清  
况有閩天傳戍鼓  
須令軍府憚書生  
征徭實望隨車雨  
農戰能消下瀨兵  
還向中林延隱逸  
陳蕃儒術重公卿

石仲生學士邀同洞門諸公遊摩訶菴飲  
松林寺

芳郊晴日快招攜  
橋外沙明碧玉蹄  
花氣煖薰

殘酒後草痕青過古城西  
鳴鳩入寺春無賴  
野裕逢山老更迷  
回首珠林烽火路  
十年京雒魏雞棲

風塵隔處卽川巖  
但許當歌口不緘  
坐愛游絲牽白日  
狂客翻酒污輕衫  
鳴騶地放雙柑語  
早雇人停萬里帆  
終信短筇歸計穩  
故林松桂未全芟

除夕柬何子楚音

能詩今古推何遜  
酒態還聞叔夜狂  
京國風塵

空老大雲霄羽翮幾飛揚飽看世路思江海數  
過門羅散雨霜明日長揚春色動玉壺同繫紫  
游韁

元夕雪後伯紫綺季過集和空同韻

乍晴紫陌墮銀蠟勝賞能停羽爵飛燕地雪霜  
連夕轉江關簫鼓十年遶更長不厭鳴鷄亂曲  
罷真憐並馬歸鵲鵲星繁還佇立五雲深處正  
宵衣

宋其武太史招同諸子集季滄葦侍御齋

中時適生在坐

同集者王襄璞姜定  
卷陳偕六謝爾玄

雨深梧竹夜蒼蒼判醉衝泥樂未央何意飛霜  
驄馬座翻聞拭汗粉巾香態憐瓊樹青雙鬢雪  
綴華燈白一房

燃包獬修所  
製雪山燈

安得落花橫玉笛

迴風直墮酒人傍

### 和答彥遠

寺門花雨濕衣時忽漫吳閭錦楸持望眼三年  
纔一見關心四海幾相知中流簫鼓龍吟曲後  
夜星河雁足詩蓬轉那期消息改白楊同繫故

人思

爲程仲玉  
觀察也

同古古伯紫諸君夜集限韻

如此深宵聚亦難  
隔年猶作隔生看  
門來舊雨知天定  
心似春星炯夜闌  
四海姓名重問訊  
一麾兒女又團圓  
歌風臺上應搔首  
未許封侯托報韓

一行書札到東吳  
爲惜烏啼尾畢逋  
分謗至今全主客  
畱身真喜得江湖  
夢回絕塞風烟改  
話入春燈涕淚枯  
寄語西川李供奉  
有人縱酒復

歌呼

爲繡虎兼  
及研齋

晚泊荒洲川李獻吉冬至飲劉氏莊園韻  
星連荒渚白岸轉暮帆紆旅色搖蓬燭鄉心老  
碧蕪夜漁依火出秋鴈逼人孤風日愁雙槳行  
藏足五湖旗亭人易散彭澤酒難呼麋鹿疑蹤  
跡鳬鷖狎道途月微寒藻見霜近夏蟲徂有恨  
悲啼切難消病骨蘇短歌埋骯髒長劍失伊吾  
萬事蕭條後崎嶇悔壯夫

石城放舟後卽事言懷用杜工部水宿遣

典韻

波浪兼天濶鄉關到眼迷九秋遲鴈字萬里載  
鸞篋失志因兵火逢人感雪泥親朋仍故國花  
柳本芳堤礎送江雲北潮浮海月西巷深聞燕  
去城古記烏啼往事消橫笛何山穩杖藜時賢  
紛管葛故老或薏齊莫擊中流楫惟驚動地輦  
世憑悲失馬吾自羨乘鷺丘壑身無恙烟霞屐  
早攜窮途辭猛虎妻怨報莎雞荻冷催殘雨花  
深想舊蹊田園三徑收圖畫片帆齋危石看鷗



度斜陽藉草低避人多難後決策一峰棲白社  
招宜入丹崖路可梯放言存遠志隱几見天倪  
叔夜交常絕文通恨嬾題百年游子淚回首濕  
青溪

過代陽

跨山築城似蕲春  
舊游今亦楚人

淅水孤城石壁懸江干戎馬暗風烟行逢楚客  
山樓下指似并州二十年

昇平歌舞大江西玉茗新詞寶瑟低今日荒江  
烟水外樓臺斜日亂鴉啼

毛姑嶺

巔峴翠壁倚寒流  
縹緲懸崖百尺樓  
誰信雲中環珮冷  
短松叢竹戰場秋

百嘉村見梅花

推蓬風日一枝斜  
回首吳雲萬里家  
誰識羅浮香雪路  
銷魂原是綺窓花

冷蘂真憐野塢留  
春風消息動中洲  
江邊歲暮催頭白  
可及孤鴻過嶺愁

天涯疎影伴黃昏  
玉笛高樓自掩門  
夢轉乍驚

身是客一船寒月到江邨  
亭亭束素立斜陽獨笑無人豈自傷惆悵風帆  
偏負汝不教步屐近微香

抵南康後舟中漫興

千秋烟月鎖嚴城供奉風流屐齒停惆悵棲賢  
橋上約孤帆春雨一燈青

大孤烟黛點晴湖髻插江心又小孤高枕乍驚  
蒼翠到一聲僧磬下菰蘆

上巳將過金陵

倚檻春愁玉樹飄空江  
鐵鎖野烟鎖興懷何限  
蘭亭感流水青山送六朝

波含玉漱柳條晴三月長安正早鶯聞說九衢  
春讌飲水邊應少麗人行

吳江急雪打帆遲萬里人還建業時  
贈芍采蘭春正好却愁香艸賦將離

孝威將于真州別去

又戲爲介玉

碧玉頻牽旅夢愁吳山花氣隱妝樓  
天邊忽墮青溪月今夜新眉已似鉤

題道公畫

雪後淮陰別道林幾年空負買山心只今人去  
秋山在石上幽琴老淚侵

爲友人題便面小畫

斷崖深處有柴關一杖幽人自在還正是西窓  
風雨到呼燈潑墨看秋山

七夕戲爲文漪四絕句

半塘秋水欲平橋子夜雙星正寂寥應向穿針  
樓上立一天風露冷銀簫

月高金井碧梧斜砧杵秋生萬里家共信蛛絲  
能乞巧幾時織就合歡花

菱鏡分攜一寸波畫簾水簾五銖羅曙衣驗取  
經春淚玉腕香憐半臂多

紅欄船繫柳絲長花裏人歸解玉璫好夢不須  
鳥鵲渡橫塘記取兩鴛鴦